


TEZAUUR LITURGIC

1 IULIE

SLUJBA SF.DOCTORI FĂRĂ DE ARGINȚI ȘI MUCENICI COSMA ȘI DAMIAN



MOSCOVA, 2000



Мѣсяца Іулія въ 1-й день Святыхъ и чудотворцевъ, безсребрениковъ Космы и Даміана, въ Римѣ мучившихся

НА МАЛЪЙ ВЕЧЕРНИ,

На Господи возвахъ: **стихиры на 4, гласъ 4.**

Подобенъ: Далъ еси знаменіе.

Водами духовными,* яко рѣки,
наводняемы,* и, явѣ напѣншеся, тварь
напоете* богознаменными и преславными
исцѣленій дарованіи,* и душетлѣнныя страсти
изсушаете,* и недуги исцѣляете,* и отгоняете
духи,* богоносныи
безсребреницы,* молитвенницы о душахъ
нашихъ. **[Дважды.]**

Страсти безсловесныя* покорше,
святїи,* душевными силами,* человекомъ и
скотомъ* благодѣяніе подаваете,* отъ Христа
дарованіемъ исцѣленій обогащшеся.* Тѣмже
священное ваше* и свѣтоносное торжество
совершающе,* просимъ очищенія душамъ
нашимъ.

Божественный храмъ вашъ* яко небо
показася, свѣтозарно и спасенно,* яко звѣзды,
чудеса спасительная* нынѣ притяжавъ* и,

якоже со́лнце свѣ́тло,* исцѣ́лений Божѣ́ственное
дѣ́йство,* Космо́ преблаже́нне,* Даміа́не
пресла́вне,* Госпо́дни
служи́тели,* моли́твенницы о душа́хъ на́шихъ.

Сла́ва, гла́сь 8:

Кто́ не удиви́тся, кто́ не просла́вить, кто́ не
воспое́тъ вѣ́рно, му́дрыхъ и пресла́вныхъ
безсре́бреникъ чуде́са? Яко да и по свято́мъ ихъ
преставле́ниі всѣ́мъ подаю́тъ, притека́ющимъ
вѣ́рою, бога́тно исцѣ́ления, и честны́я и святы́я
мо́щи тѣ́хъ источа́ютъ благода́ть исцѣ́лений. О,
дво́ице свята́я! О, честны́я главы́! О,
прему́дросте и сла́во, яже отъ Бо́га да́нныя ва́мъ
благода́ти! Тѣ́мже пѣ́снями зове́мъ Благоде́телю
Бо́гу, показавшему тѣ́хъ на врачева́ніе ду́шъ и
тѣ́лесъ на́шихъ.

И ны́нѣ, богоро́диченъ, гла́сь тойже:

[**В**лады́чице, при́ими моли́твы ра́бъ Твои́хъ и
изба́ви на́съ отъ всякія ну́жды и печа́ли.]

На стихо́внѣ стихи́ры, гла́сь 1. Подо́бенъ:

Небе́сныхъ чино́въ.

Чуде́сь луча́ми облиста́вше вселе́нную
всю,* святи́и безме́здницы,* пресвѣ́тліи
свѣ́тильницы,* небеси́ уподо́бистеся
благода́тлю,* вы́сокаго жи́тельства
добродѣ́тельми,* звѣ́зды предлага́еми.

Стихъ: Святы́мъ, иже сѹть на земли
Его́,* удиви́ Госпо́дь вся хотѣ́нїя Своя́ въ нѣхъ.

Дождеро́дныя облаки,
преизяществу́юща* многотеку́щими благода́тей
чудеса́,* мѹченицы́ Госпо́дни,* всю́ зѣмлю
мы́сленно напо́яете,* здра́вая пѣснопѣ́нїя
Бо́гу* приноси́ти понужда́юща.

Стихъ: Се́ что́ добро́, или́ что́ красно́,* но е́же
жити́ бра́тїи вкупѣ́.

Исцѣля́ти стра́сти ду́ши и тѣлесѣ́* хїтро́сть отъ
Бо́га истинно́ приѣмше,* мѹченицы́
Госпо́дни,* преестѣ́ственно исцѣля́ете вся́* не
человѣ́ческими лѣчба́ми враче́бными,* но
Боже́ственными дохнове́ньми.

Сла́ва, гла́сь 6:

Всегда́ имѹще́ Христа́, дѣ́йствующа́ въ ва́сь,
святїи́ безсребреницы́, чудодѣ́йствуете́ въ ми́рѣ,
болящїа́ исцѣля́ете, и́бо враче́ство ва́ше
исто́чникъ е́сть неисчерпа́емый: че́рпемый же,
па́че избы́льно истека́етъ, и изли́ваемъ,
изобилу́етъ; на кї́ждо де́нь истоще́ваемъ, и
умножа́емъ, всѣ́мъ пода́я, и неоскудѣ́ваемъ
пребыва́я; и че́рплющїи насыща́ются исцѣ́ленїя,
той же пребыва́етъ неиздѣ́вущь. Что́ убо ва́сь
нарече́мъ? цѣ́лительныхъ ли враче́въ ду́шь же и
телѣ́сь? цѣ́лителей страсте́й неисцѣ́льныхъ, ту́не

исцѣляющихъ всѣхъ, пріемшихъ дарованіе отъ Спаса Христа, подающаго намъ велию милость.

И нынѣ, богородиченъ дне, [или сей, гласъ тойже.]

[**Богородице, Ты еси лоза истинная,** **возрастившая намъ Плодъ живота, Тебѣ молимся: молися, Владычице, со святыми апостолы помилovati души наша.]**

Тропарь, гласъ 8:

Святїи безсребреницы и чудотворцы Космо и Даміане, посѣтите нѣмоци наша: туне пріясте, туне дадите намъ.

Слава, и нынѣ, богородиченъ:

Иже насъ ради рождейся отъ Дѣвы, и распятіе претерпѣвъ, Благій, испровергій смѣртію смѣртъ и Воскресеніе явлей яко Богъ, не презри, яже создалъ еси рукою Твоею, яви челоуѣколюбіе Твое, Милостиве. Прими рождшую Тя, Богородицу, молящуюся за ны, и спаси, Спасе нашъ, люди отчаянныя.

НА ВЕЛИЦѢЙ ВЕЧЕРНИ,

**Блаженъ мужъ, 1-й антифонъ. На Господи
воззвахъ: стихиры на 8, гласъ 1. Подобенъ:
Небесныхъ чиновъ.**

**Чудесными зарями* болѣзней нашихъ
отжените всякъ недугъ,* безсребренно благодать**

простирающе,* дарованьи Учи́теля
обогащесе,* на земли́ болѣзни
земнородныхъ* вземшаго на ра́мѣхъ
Своихъ. **[Дважды.]**

Врачѣбнѣ, убо пѣрвѣ,* наказавшесе
добрѣ,* болѣзни всѣмъ очищае́те вѣрою,* второ́е
же, паки* духо́вно себѣ воору́живше,* отгоняе́те
боже́ственнѣ* и душе́вныхъ недугъ вре́ждѣнїа.

Яко безсрѣбренно благода́ть отъ Христа́ Бо́га
прїемше,* всѣмъ безсрѣбренно
исцѣляе́те,* безсрѣбреницы, недуги,* не то́кмо
на́ша болѣзни очищае́те,* но и ското́мъ даю́ще
слове́сно исправле́нїе,* я́ко ми́лостиви.

Ины стихиры, гласъ 4. Подобенъ: Да́ль еси́
зна́менїе.

Водами духо́вными,* я́ко рѣ́ки,
наводняе́мы,* и, явѣ́ напо́лншесе, тва́рь
напо́яете* богозна́меньи и пресла́вными
исцѣле́нїи дарова́нїи,* и душе́тлѣ́нныя стра́сти
изсушае́те,* и недуги́ исцѣляе́те,* и отгоняе́те
ду́хи,* богоно́снїи
безсрѣбреницы,* моли́твенницы о́ душа́хъ
нашихъ. **[Дважды.]**

Стра́сти безсло́весныя* по́корше,
святїи,* душе́вными си́лами,* чело́вѣкомъ и
ското́мъ* благодѣ́янїе подавае́те,* отъ Христа́
дарова́нїемъ исцѣле́нїи обогащесе.* Тѣмже

священное ваше* и свѣтоносное торжество совершающе,* просимъ очищенія душамъ нашимъ.

Божественный храмъ вашъ* яко небо показася, свѣтозарно и спасенно,* яко звѣзды, чудеса спасительна* нынѣ притяжавъ* и, якоже солнце свѣтло,* исцѣлений Божественное дѣйство,* Космо преблаженне, Даміане преславне,* Господни служители,* молитвенницы о душахъ нашихъ.

Слава, гласъ 6:

Безконечна есть святыхъ благодать, юже отъ Христа пріяша, тѣмже и моци ихъ отъ Божественныя силы непрестанно дѣйствуютъ чудеса, ихже и имена, вѣрою призываема, неисцѣльныя болѣзни исцѣляютъ; имиже, Господи, и насъ душевныхъ и тѣлесныхъ страстей свободи, яко Человѣколюбецъ.

И нынѣ, богородиченъ, гласъ тойже:

Кто Тебѣ не ублажить, Пресвятая Дѣво? Кто ли не воспоеть Твоего Пречистаго Рождества? Безлѣтно бо отъ Отца возсіявый Сынъ Единородный, Тойже отъ Тебе, Чистыя, пройде, неизреченно воплощся: естествомъ Богъ Сый и естествомъ бывъ Человѣкъ насъ ради; не во двою лицу раздѣляемый, но во двою естеству

неслітно познаваемый. Того моли, Чистая Всеблаженная, помилватися душамъ нашимъ.

**Входъ. Прокимень дне. Чтенія три.
Пророчества Исаина чтеніе. [Глава 43.]**

Тако глаголетъ Господь: вси языцы собращася вкупъ, и соберутся князи отъ нихъ, кто возвеститъ сія въ нихъ? Или яже отъ начала, кто слышана сотворитъ вамъ? Да приведутъ свидѣтели своя и оправдятся, и да услышатъ, и да рекутъ истину. Будьте Ми свидѣтели, и Азь Свидѣтель, глаголетъ Господь Богъ, и отрокъ, егоже избрахъ, да познаете и вѣруете Ми, и разумѣете, яко Азь есмь; прежде Мене не бысть инъ богъ, и по Мнѣ не будетъ. Азь есмь Богъ, и нѣсть развѣ Мене спасаей. Азь возвѣстихъ и спасохъ, уничижихъ, и не бѣ въ васъ чуждїй. Вы Мнѣ свидѣтели, и Азь Господь Богъ. И еще отъ начала Азь есмь, и нѣсть отъ рукъ Мойхъ избавляяй; сотворю, и кто отвратитъ то? Сице глаголетъ Господь Богъ, избавляяй васъ Святый Израилевъ.

Премудрости Соломоновы чтеніе. [Глава 3.]

Праведныхъ души въ руцѣ Божіей, и не прикоснется ихъ мука. Непщевани быша во очесѣхъ безумныхъ умрети, и вмѣнися озлобленіе исходъ ихъ, и еже отъ насъ шествіе — сокрушеніе, они же суть въ мирѣ. Ибо предъ

лицемъ челоѳическимъ, аще и муку приимуть, упованіе ихъ безсмертія исполнено. И вмалѣ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплодіе жертовное, пріятъ я. И во время посѣщенія ихъ, возсіяють, и яко іскры по стѣблю, потекутъ. Судятъ языкомъ и обладають людьми, и воцарится Господь въ нихъ во вѣки. Надѣющіися Нанѣ разумѣють истину и вѣрніи въ любви пребудутъ Ему, яко благодать и милость въ преподобныхъ Его и посѣщеніе во избранныхъ Его.

Премудрости Соломоновы чтеніе.

[Глава 5 и 6.]

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимуть царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ мѣрь на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе

полетѣть, и отъ каменомѣтныя ярости исполнь падуть грады. Вознегодуетъ на нихъ вода морская, рѣки же потопятъ я нагло. Сопротивъ станетъ имъ духъ силы и, яко вихоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящися о народѣхъ языковъ, яко дана естъ отъ Господа держава вамъ и сила отъ Вышняго.

На литіи стихиры, гласъ 2:

Врачеве немощствующихъ, сокровища врачеваній, спасителіе вѣрныхъ, безсребреницы всеславніи, въ нуждахъ зовущія и болящія исцѣлите, моляще Бога благаго избавитися намъ отъ сѣтей вражїихъ.

Источникъ исцѣленій единого токмо въ лѣтъ исцѣлеваше, храмъ же безсребрениковъ все множество исцѣляетъ недугующихъ: неоскудно бо естъ и неизживаемое богатство святыхъ. Тѣхъ молитвами, Христѣ, помилуй насъ.

Радуется ликъ святыхъ во вѣки, Царство бо небесное наслѣдоваша; земля, моци ихъ прїемши, благовоніе возвѣя, раби Христовы быша, вселившися въ жизнь вѣчную.

Слава, гласъ 6:

Безконечна е́сть свѣты́хъ благодѣ́тъ, ю́же отъ Христа́ прѣ́ша, тѣ́мже и мо́щи ихъ отъ Божѣ́ственныя си́лы непреста́нно дѣ́йствуютъ чудеса́, ихже и имена́, вѣ́рою призыва́ема, неисцѣ́льныя болѣ́зни исцѣ́ляютъ; ими́же, Го́споди, и на́съ душе́вныхъ и тѣ́лесныхъ страсте́й свободи́, яко Человѣ́колюбецъ.

И ны́нѣ, богоро́диченъ, [гласъ тойже]:

Преложѣ́ние скорбя́щихъ, премѣ́неніе боля́щихъ еси́, Богоро́дице Всепѣ́тая, спаси́ градъ и лю́ди, боримыхъ умирѣ́ние, обурева́емыхъ тишина́, Еди́на предста́тельница вѣ́рныхъ.

На стиховнѣ́ стихи́ры, гласъ 1. Подобенъ:

Небе́сныхъ чино́въ.

Чуде́сь луча́ми облиста́вше вселѣ́нную всю,* свѣ́тїи безме́здницы,* пресвѣ́тїи свѣ́тильницы,* небеси́ уподо́бистеся благода́тїю,* висо́каго жител́ства добродѣ́телими,* звѣ́зды предлага́еми.

Стихъ: Свѣ́тымъ, и́же сѹ́тъ на землѣ́ Его́,* удиви́ Го́сподъ вся хотѣ́нїя Своя́ въ ни́хъ.

Дождеро́дныя облаки́, преизя́ществующа* многотеку́щими благода́тей чудесы́,* мученицы́ Го́сподни,* всю́ зе́млю

мы́сленно напо́яете,* здра́вая пѣснопѣ́нїя Бо́гу* приноси́ти понужда́юща.

Стихъ: Се́ что́ добро́, или́ что́ красно́,* но́ еже жи́ти бра́тии вку́пѣ.

Исцѣ́ляти стра́сти ду́ши и тѣлесэ́* хитро́сть отъ Бо́га и́стинно прие́мше,* му́ченицы Господни,* преесте́ственно исцѣ́ляете вся́* не челове́ческими лѣчба́ми враче́бными,* но́ Божество́нными дохнове́ными.

Сла́ва, гла́сь 8:

Кто́ не удиви́тся, кто́ не просла́вить, кто́ не воспое́тъ вѣ́рно, му́дрыхъ и пресла́вныхъ безсре́бреникъ чуде́са? Яко́ да и по свято́мъ ихъ преста́вленїи всѣ́мъ подаю́тъ, притека́ющимъ вѣ́рою, бога́тно исцѣ́ленїя, и честны́я и святы́я мо́щи тѣхъ исто́чаютъ благода́ть исцѣ́лений. О, дво́ице́ свята́я! О, честны́я гла́вы! О, премудро́сте и сла́во, я́же отъ Бо́га данны́я вамъ благода́ти! Тѣмже́ пѣ́снями зове́мъ Благодѣ́телю Бо́гу, пока́завшему тѣхъ на врачева́ние ду́шь и тѣлесэ́ нашихъ.

И ны́нѣ, богоро́диченъ, гла́сь 8:

Безневѣ́стная Дѣ́во, Я́же Бо́га неизрече́нно заче́нши пло́тию, Ма́ти Бо́га Вы́шняго, Твои́хъ рабо́въ мо́льбы́ приими́, Всенепоро́чная, всѣ́мъ подаю́щи очище́ние прегрѣ́шенїй, ны́нѣ на́ша мо́ленїя прие́млющи, моли́ спасты́ся всѣ́мъ на́мъ.

**На благословѣніи хлѣбовъ тропарь, гласъ 8,
дважды [писанъ на малѣй вечерни], и
Богородице Дѣво., единожды.**

НА УТРЕНИ,

**На Богъ Господь: Тропарь святыхъ, дважды.
Слава, и нынѣ, богородиченъ, гласъ 8: Иже
насъ ради рождѣйся отъ Дѣвы...**

По 1-мъ стихологіи сѣдаленъ, гласъ 2:

**Великихъ достойни бывше дарованій, славни,
во смиреннѣмъ житіи на земли пожисте и,
преходяще всюду, туе болящимъ недуги и
страсти исцѣляюще, явистеся ангеломъ
собесѣдницы, Космо и Даміане, вѣрни, братіе
прекрасни, и наша страсти молитвами вашими
исцѣлите. [Дважды.]**

Слава, и нынѣ, богородиченъ:

**Милосердія сущи источникъ, милости сподоби
насъ, Богородице, призри на люди согрѣшившія,
яви, яко присно, силу Твою, на Тя бо
уповающе, — радуйся, — вопіемъ Ти, якоже
иногда Гавріиль, безплотныхъ архистратигъ.**

По 2-мъ стихологіи сѣдаленъ, гласъ 1:

**Страстотѣрпцы Христовы, Космо и Даміане,
молитесь за ны, вѣрою приходящія къ вамъ: вы
бо молитвами вашими подаете исцѣленія**

благодать, и премногія недуги отгоняете, яко сохранницы жизни нашея. **[Дважды.]**

Слава, и нынѣ, богородиченъ:

Пречистая Богородице, на небесѣхъ благословенная, и на землі славословимая, радуйся Невѣсто неневѣстная.

[Поліелѣй.]

Величаніе: Величаемъ васъ чудотворцы славіи, Космо и Даміане, и чтемъ честная страданія ваша, яже за Христа претерпѣли есте.

Псаломъ избранный: Богъ намъ прибѣжище и сила...

По поліелѣи съдаленъ, гласъ 5. Подобенъ:

Собезначальное Слово.

Воссія днесь прѣзднество страсотѣрпцевъ Космы и Даміана, имѣють бо съ небесе зарю. Ликъ ангельскій торжествуетъ, и человѣчскій родъ спразднуетъ: тѣмже сіи молятъ о душахъ нашихъ. **[Дважды.]**

Слава, и нынѣ, богородиченъ:

Дивныя Дѣвы тайна, всему міру явіся спасеніе, изъ Неяже родися радость: Господи, слава Тебѣ!

Степенна, 1-й антифонъ 4-го гласа.

Прокименъ, [гласъ 4]: Святѣмъ, иже сѹть на

земли Его,* удиви Господь вся хотѣнія Своя въ нихъ. **Стихъ:** Предзрѣхъ Господа предо мною выну, [яко одесную мене естъ, да не подвижуся]. **Всякое дыханіе... Евангеліе Матѳея, зачало 34 отъ полу.**

По 50-мъ псалмѣ стихира, гласъ 1:

Свѣтозарная, и святая и благообразная, мученковъ Космы и Даміана, всепразднственная память, яже всю зѣмлю просвѣщаючи, мракъ грѣховный отгоняючи, лѣчбамъ благодать источаетъ.

Канонъ Богородицы, со ирмосомъ на 6, и святыхъ на 8, гласъ 4.

Пѣснь 1.

Ирмосъ: *Тристаты крѣпкія, Рождейся отъ Дѣвы, безстрастія во глубинѣ, души тричастное потопи, молюся, да Тебѣ, яко въ тимпанѣ, во умерщвлѣніи тѣлесѣ побѣдное воспою пѣніе.*

Двоице свѣтовидная мудрыхъ безсребреникъ, Троицѣ Честнѣй со всѣми избранными предстоящи, молися, память твою свѣтоносную творящимъ просвѣтитися Духа божественными свѣтлостями.

Превысоцы умомъ въ сущихъ вещехъ явльшеся, невестественна блистанія Духа,

мудри, прієте, святіи. Тѣмже тму недуговъ разрѣшаєте всегда посѣщеніи божественными, безсребреницы.

Недреманно душевное стяжавше око ко исполненію Божію божественныхъ заповѣдей, спящія въ недузѣхъ, славніи, къ доброму здравію возбуждаете благодатию, милостивіи богоносніи безсребреницы.

Моленія, безсребреницы врачуе, Богу принесите, яко да избавитъ ны искушеній и скорбей многихъ, и трепетнаго и страшнаго тогда мученія.

Богородичень: Спаса и Бога отъ чистыхъ Твоихъ кровей воплотила еси, Чистая, показавшаго намъ врачі душамъ нашимъ, Пречистая, спасительны и теплы заступники, честныя безсребреники, Духомъ.

Пѣснь 3.

Ирмосъ: *Не* мудростію, и сілою, и богатствомъ хвалимся, но Тобою, Отчею *в*постасною Мудростію, Христѣ: *нѣ*сть бо святъ, *паче* Тебѣ, Человѣколюбіе.

Мүро благово́нно исцѣленій божественный храмъ вашъ источаетъ священно, тучи духовныя, страсти злосмра́дныя отмыва́я всегда.

Въ небесныхъ селъхъ водворяющесе всегда, сѣнь вашу присно источникъ исцѣлений, премудрии, показуете благодатию Вседержителя.

Плотскія страсти воздержанія бродою обуздавше, духовныя зарі пребогато пріяте, тѣмже исцѣленьми мѣръ обогащаете.

Мѣръ поетъ ваша, святїи, всегда многая благодѣянїя, и чудесъ множество, чудотворцы врачеве, ангель всѣхъ равностоятеле.

Богородичень: Краснѣйшу въ женахъ Тя Богъ избра и изъ Тебе плотски, Чистая, родитися благоизволи, почиваяй во святыхъ Своихъ.

Сѣдалень, гласъ 8. Подобень: Премудрости.

Исцѣлений датели, и чудотворцы, и чудесъ свѣтильники свѣтопрїемни всѣмъ явистесе духовною благодатию, страстный бо пламень вѣрою прохлаждаете и вѣрнымъ въ ней смѣсль согрѣваете. Тѣмъ врачевство душевное стяжавше, божественную церковь вашу, къ нейже прибѣгающе, вопїемъ: богоносцы безсребреницы, молитѣ Христа Бога согрѣшенїи оставленїе даровати празднующимъ любовїю святую память вашу.

Слава, гласъ и подобень тойже:

Исцѣлений зарі сущимъ на земли возсіяюще, божественни чудотворцы, явѣ отгоняете

человѣковъ неду́ги, войстинну незаходи́мага Со́лнца въ себѣ́ стяжавше, Христа́ Бо́га на́шего. Тѣ́мже, досто́йно соше́дшеся, почита́емъ сла́вную, святи́и, и честну́ю ва́шу па́мять, богоно́снии безсре́бреницы. Моли́те Христа́ Бо́га грѣ́ховъ оста́вленіе пода́ти чту́щимъ любо́вию святую́ па́мять ва́шу.

И ны́нѣ, богоро́диченъ:

Яко дѣ́ву и еди́ну въ жена́хъ, Тя́, безъ сѣ́мене ро́ждшую Бо́га пло́тію, вси́ ублажа́емъ, роди́ человѣ́честіи: о́гнь бо всели́ся въ Тя́ Божества́, и я́ко Младенца́ млеко́мъ пита́еши Зиждите́ля и Го́спода. Тѣ́мъ, а́нгельскій и человѣ́чскій ро́дъ, досто́йно сла́вимъ пресвято́е Рожде́ство Твое́ и согласно́ вопі́емъ Ти́: моли́ Христа́ Бо́га согрѣ́шеній оста́вленіе дарова́ти покланя́ющимся вѣ́рою пресвято́му Рожде́ству Твоему́.

Пѣ́снь 4.

Ирмо́сь: *Съдѣ́й въ сла́вь на Престо́ль Божества́ во о́блацъ ле́гцъ, при́де Иису́съ Пребоже́ственный, Нетлѣ́нною Дла́нію и спасе́ зову́щія: сла́ва, Христе́, си́ль Твое́й.*

Живонóсными дѣ́йствы, вся́ческими дѣ́яніи, смертоно́сныя стра́сти человѣ́ковъ исцѣ́ляете, свѣ́товидніи столпи́, забра́ла недви́жима, виногра́да и́стиннаго боже́ственныя лóзы.

Сосцы́ церко́вни, и́же млеко́ пролива́юще исцѣ́лений, просвѣ́щеній, безсрѣ́бреницы, пита́юще всѣ́хъ божѣ́ственными бра́шны, да восхва́лятся радостными пѣ́снями.

Врачевство́ показася́ хра́мъ ва́шъ, святіи, обуре́ваемымъ небу́рно приста́нище и спасі́тельно, въ о́ньже притека́юще, вси́ прие́млемъ тишину́ и лю́тыхъ изба́вленіе.

Досто́йно хвали́ми естѣ́ на земли́, исцѣ́лители недужныхъ́, безме́здницы Космо́ и Даміа́не, яко́ и по кончи́нѣ вся́ отъ недугъ́ свобожда́ете.

Богородичень: Мило́сти мя́, Дѣ́во, я́же въ Тебѣ́, сподо́би, ро́ждшая Сло́во, едина́ вои́стинну Мило́стивное, еди́но ми́лостивны́ святы́я показав́шее, цѣ́лители и чудотво́рцы въ концѣ́хъ.

Пѣснь 5.

Ирмосъ: Ужасо́шася *вся́ческая* о́ Божѣ́ственнѣ́й сла́вѣ Твое́й: Ты́ бо, неискусобра́чная Дѣ́во, имѣ́ла еси́ во утробѣ́ надъ всѣ́ми Бо́га, и роди́ла еси́ Безлѣ́тнаго Сы́на, всѣ́мъ, воспѣ́вающимъ Тя́, ми́ръ подава́ющая.

Божѣ́ственными свѣ́тлосты́ми я́вѣ облиста́еми, ве́сь обхо́дите ми́ръ, вся́ челове́ки просвѣ́щаете, тму́ отъе́млюще страсте́й, де́моны прогоня́юще, богоно́снии безсрѣ́бреницы.

Яко два просвѣщаєте свѣтильники поднебѣсную, духодвижно, богоносцы, всю тварь обходяще, и иже на одрѣ болѣзней посѣщающе, и отъ бѣдъ изымающе.

Недугоющимъ исцѣленіе, страстей избавленіе подающе безсребренно, всѣмъ предстатели велицы явитесь, всѣмъ помощницы съ Богомъ, всѣмъ заступницы, богоносни безсребреницы.

Молитвами святыхъ служителей, Космы и Даміана, Ты, Спасе нашъ, даждь міру всему Твоя милости, яко Милосердъ.

Богородичень: Мудрость породила еси Божію Упостасную, Пречистая Дѣво Богородице, святія премудры показавшую, имиже зломудреца падесе шатаніе и лютая ухищренія.

Пѣснь 6.

Ирмосъ: *Пожру́ Ти со гласомъ хваленія, Господи, Церковь вопіетъ Ти, отъ бѣсовскія крове очистиши, ради милости отъ ребръ Твоихъ истекшею кровію.*

Не хитростію человѣческою, но Божественною благодатію очищаете недуги челоуковъ, славни, сего ради сошедшесе, по долгу васъ ублажаемъ.

Любовію ко Христу, богоносни, связаеми, всю злобу демоновъ разрушаете Божественною

благодатію, сего ради ваше совершаемъ торжество.

Яко сущє винограда божественнаго прозябєнія, вино намъ исцѣленій, сущимъ въ сѣтованіи недуговъ, точаще, веселія исполняете, безсребреницы.

Живуще, мученицы, радостно на небесѣхъ, въ честный храмъ вашъ пріити потщитесь, и наша недуги тѣлесныя, и сердечныя страсти исцѣлите.

Богородичень: Храмъ Тя чистъ содѣла, Владычице, Пречистое Слово, Еже божественный храмъ безсребреникъ величая въ чудесѣхъ и знаменіихъ всегда.

Кондакъ, гласъ 2:

Благодать пріимше исцѣленій, простираете здравіе сущимъ въ нуждахъ, врачеве, чудотворцы преславніи, но вашимъ посѣщеніемъ ратниковъ дерзости низложите, міръ исцѣляюще чудесы.

Икосъ:

Всякаго разума и мудрости преходитъ слово мудрыхъ врачей, и всѣмъ разумъ подають: Вышняго бо благодать пріемше, невидимо здравіе даруютъ всѣмъ. Отонудуже и мнѣ повѣсти благодать даровася пѣти, яко богоносныя угодники Христовы и служители,

исцѣленій множество подающія, болѣзни бо всѣхъ избавляютъ, мѣръ исцѣляюще чудесы.

Пѣснь 7.

Ирмосъ: *Въ пещи авраамстии отроцы персидстѣй, любовію благочестія паче, нежели пламенемъ, опаляеми, зываху: благословенъ еси въ храмъ славы Твоея, Господи.*

Отверзающе источникъ богоданный, святіи, всѣмъ рѣки источаете чистыхъ исцѣленій, отмывающе страстей скверненія и демоновъ злобу всегубительную.

Укрѣпляеми Вседержителя Духа благодатию, здравіе болящимъ всегда подаетъ двоица безсребреникъ Твоихъ досточудная, Слово Божій, Мудросте и Сило.

Святъ единъ еси, прославляя святыя Твоя, мѣръ бо тѣхъ ради избавляеши отъ бѣдъ и просвѣщаеши зовущія: благословенъ еси въ храмъ славы Твоея, Господи.

Память честную творяще безмѣздниковъ, радостію вопіемъ Ти, Щедре: благословенъ еси, Господи, Боже отецъ нашихъ.

Богородиченъ: Жезль изъ корене Іессеева Ты прозябла еси, цвѣта Христа израстивши, Маріе, яко цвѣтцы, чудесы украсившаго Своя безсребреники угодныя.

ПѢСНЬ 8.

Ирмосъ: Руцѣ распротѣрь, Даниїль, львовѣ зїянїя въ ровѣ затчѣ; огненную же силу угасїша, добродѣтелию препоясавшеса, благочестїя рачїтели, отроцы, взывающе: благословїте, вся дѣла Господня, Господа.

Нази всякія явїстеса вражія злобы, святїи, Божественнымъ Духомъ, намъ бѣвше одежда спасенїя, и оставленїя вина, и лютыхъ премѣненїе, вопїющимъ: вся дѣла, благословїте, Господня, Господа.

Сынове по причастїю Божїю, Дамїане и Космо, бѣвше, вѣрою отеческїй жребїй нынѣ обрѣтосте, небесное наслажденїе и чудесъ свѣтлое войстинну дѣйство, и вопїете: вся дѣла, благословїте, Господня, Господа.

Кропленьми вашими боголѣпными скверну омїйте душевную нашу, и болѣзненныя, святїи, проженїте страсти, и дѣмонская стремленїя отымїте, яко предстателїе и яко цѣлїтелїе наши милостивїи.

Яко крїнь, яко цвѣтъ мысленный, яко шипцы, Духомъ украшени, намъ явїстеса, святїи, благовоенїе воспуцающе и злосмрадіе страстей отгоняюще, вопїющимъ: вся дѣла, благословїте, Господня, Господа.

Житіє ўбо паче челоуѣкъ, и добродѣтельную жизнь, кій челоуѣкъ безмѣздниковъ не восхвалить? Велія бо чудеса на земли творяху прісно: Господа пойте, и превозносите Его во вѣки.

Богородичень: Умерщвляется смѣръ Тобою, Жизнь бо родила еси Упостасную — Христа Бога, Пречистая, и предстатели жизни нашея показавшаго, безсребреники врачї, вопіющимъ: благословенъ, Пречистая, Плодъ Твоего чрева.

Пѣснь 9.

Ирмосъ: *Ева ўбо недугомъ преслушанія клятву вселила естъ, Ты же, Дѣво Богородице, прозябеніемъ чревоношенія мірови благословеніе процвѣла еси. Тѣмъ Тя вси величаемъ.*

Се ныне что добро, или что красно, якоже пишетъ, но токмо, еже жити нынѣ братїи въ единомышленіи, въ мѣстѣ свѣтозарнѣ, въ сѣлѣхъ небесныхъ, въ славѣ неувядающей, яже по достоянію убожаемъ.

Яко великъ сїй храмъ, чудесы всегда украшаемъ, въ онъже прісно приходяще, Космо и Даміане досточудни, здравіе требующимъ подаваете, тѣмже достойно блажими есте.

Днесь срадуются намъ, блаженни, въ памяти ващей, ангели и божественни апостоли, пророцы и преподобни и вси праведницы, съ

німиже радостно водворяющєся, за весь міръ молітєся.

Божественная двоице и свѣтозарная, безсребренни, и богоносни, и всечестни, оставленіе согрѣшеній, и исправленіе житія испросите, и всѣхъ лютыхъ избавленіе восхваляющимъ васъ всегда.

Богородичень: Свѣта жилище, Чистая, была еси, вся озарившаго и свѣтоносны и свѣты показавшаго, нынѣ тму отъемлюща страстей душетлѣнныхъ Духомъ, Пречистая едина Приснодѣво.

Свѣтилень. Подобенъ: Небо звѣздами.

Кое довольно будетъ слово безсребреникъ изрещи благодать исцѣленій? Ибо сѣуть по Бозѣ всей вселеннѣй врачеве и спасителие. **[Дважды.]**

[Слава, и нынѣ,] богородичень:

Державнымъ Твоимъ кровомъ отъ врагъ навѣта насъ, Чистая, Твоя рабы, сохрани вся невредны, Тя бо стяжачомъ едину прибѣжище въ скорбехъ.

На хвалитехъ стихиры на 4, гласъ 1.

Самогласно:

Благодать исцѣленій отъ Бога приѣмше, безсребренно страсти душъ и тлѣсь нашихъ теплѣ исцѣляете, всекрасни безсребреницы,

тѣмже ва́ми Христо́съ вѣ́рнымъ да́нное здра́віе да́руя, свѣ́тила нелѣ́стная ва́съ показу́еть вселе́ннѣй. Того́ умо́лите, спасти́ся душа́мъ на́шимъ.

Отъ вы́шняго про́мысла бѣ́зду исцѣ́леній почѣ́рпше, всѣ́мъ исто́чаєте вѣ́рнымъ исцѣ́ленія, безсрѣ́бренности, преестѣ́ственнѣ бо недугующихъ стра́сти рукодѣ́йстви́и та́инственными, отъ сокрови́щъ Ду́ха лѣ́чбы́ предлага́юще спаси́тельныя, стра́ждущихъ исцѣ́ляете. Тѣ́мже хра́мъ че́стенъ бы́сте Живонача́льныя Трои́цы, въ ва́съ бо явѣ́ обитель сотвори́, Ейже мо́литесь спасти́ся душа́мъ на́шимъ.

Гла́съ 2.

Теофа́ново: Любо́вию божѣ́ственною и жела́ніемъ бу́дущихъ, дѣ́тельнѣ́ поживше́, спаси́тельныя пу́ти испра́viste. Тѣ́мже, чистоту́ душе́вную несквѣ́рно соблю́дше, ве́чнымъ до конца́ проти́ву ста́те, Ду́хомъ же Божѣ́ственнымъ позла́щешся, беззла́тно исцѣ́леніе недугующимъ пода́ете, дво́ице свяще́нная, свѣ́тоза́рное собра́ніе, просвѣ́щенный божѣ́ственный сопру́же, безсрѣ́бренности, въ ско́рбехъ и болѣ́зняхъ посѣ́цающе на́съ и ду́шъ на́шихъ недуги́ безме́здно исцѣ́ляюще.

Германово: Великимъ сподобльшеся даромъ, прехвальнии, въ смиренномъ житіи на земли поживше и, проходяще всюду, туне болящихъ страсти исцѣляюще, явистеся ангеломъ собесѣдницы, Космо съ Даміаномъ мудрымъ, братія прекраснии, и наша страсти молитвами вашими исцѣлите.

Слава, гласъ 4. Теофаново:

Источникъ исцѣленій имуще, святіи безсребреницы, исцѣленіе подаете всѣмъ требующимъ, яко великимъ даромъ сподобльшеся отъ приснотекущаго источника — Спаса Христа. Рече бо къ вамъ Господь, яко единоревнителемъ апостоловъ: се дахъ вамъ власть надъ дүхи нечистыми, якоже тѣхъ изгнати и исцѣлити всякъ недугъ и всякую язю. Тѣмже, въ повелѣніихъ Его добръ поживше, туне пріясте, туне подаете, исцѣляюще страсти душъ и тѣлесъ нашихъ.

И нынѣ, богородиченъ, гласъ тойже:

[Едина Чистая и Пречистая Дѣво, Яже Бога безсѣменно рождающая, моли спастися душамъ нашимъ.]

Славословіе великое. [Ектеніи] и отпусть.

НА ЛИТУРГИИ,

Блаженна отъ канона, пѣснь 3-я и 6-я.
Прокимень, гласъ 4: Святѣмъ, иже сѹть на
земли Его,* удиви Господь вся хотѣнія Своя въ
нихъ. **Стихъ:** Предзрѣхъ Господа предо мною
выину, яко одесную мене естъ, да не
подвижуся. **Апостоль къ Коринѣяномъ,**
зачало 153. Аллилуія, гласъ 4: Се что добро,
или что красно, но еже жити брати
вкупѣ. **Евангеліе Матѣея, зачало 34, отъ полу.**
Причастень: Радуйтеся праведни о Господѣ,
[правымъ подобаетъ похвала.]

**Источникъ: Служба и Акаѳистъ святѣмъ
безсребренникомъ и чудотворцемъ Космѣ и
Даміану. — М.: Синодальная типографія,
1913. — Л. 2 – 15, 39 – 43 об.**

